

ՊԱՌԼՈ ԿՈՒՆԵՈ

Հոռոմում իր հիմնադրած «Հայկական ճարտարապետության ուսումնասիրության կենտրոնում» աշխատելիս, կյանքի 59-րդ տարում հանկարծամահ եղավ ճարտարապետության դոկտոր, պրոֆեսոր, Թորոս Թորամանյանի անվան մրցանակի դափնեկիր, Հայաստանի Հանրապետության գիտությունների ազդեցիկ ակադեմիայի արտասահմանյան անդամ Պառլո Կունեոն: Հայ մշակույթը կորցրեց իր լավագույն բարեկամներից մեկին, որը ողջ գիտական-ստեղծագործական կյանքը նվիրարեւելեց Հայաստանի միջնադարյան ճարտարապետության հետազոտման և այն միջազգային ճանաչման հասցնելու գործին:

Պրոֆեսոր Կունեոն 1965 թ. սկսած կազմակերպել է ռադմաթիվ գիտարշավներ ինչպես Հայաստանի Հանրապետություն, այնպես էլ Արևմտյան Հայաստան, ուսումնասիրել Թուրքիայի տարածքի հայ մասնագետների համար անմատչելի հայկական հուշարձանները՝ իր հավաքած ընդլուրջ նյութերը սիրով տրամադրելով հայ գիտնականներին: Հոռոմի համալսարանում իր վարած ճարտարապետության պատմության դասընթացում նա մտքորոշեց ևս հայկական ճարտարապետության բաժինը՝ իտալացի ապագա ճարտարապետներին ծանոթացնելով Հայաստանի բազմադարյան մշակույթի կարեւորագույն ճյուղի՝ շինարարական արվեստի նվաճումներին: Նրա ջանքերի շնորհիվ հայ ճարտարապետության ուսումնասիրման գործում ներգրավվեցին նոր ուժեր, և Իտալիան, Հիթլերի, դարձավ Արևմուտքում այդ բնագավառի առաջատար կենտրոնը:

Պրոֆեսոր Կունեոյի և իր գործընկերների կողմից հայկական, մինչ այդ անհայտ կամ քիչ ուսումնասիրված, հանգուցային հուշարձանները գիտական շրջանառության մեջ դնելը թույլ տվեց անելու այնպիսի սկզբունքային ընդհանրություններ, որոնք սահմանեցին հայ ճարտարապետության ուրույն տեղն ու դերը համաշխարհային մշակույթի պատմության մեջ: Նա 1970 թ. աշխարհի գիտական հանրության ուշադրությունը սեփական հին Հայաստանի մայրաքաղաք Անիի հուշարձանների պահպանման ու վերանորոգման կարևորության վրա՝ կոչ անելով այդ գործի համար ստեղծել միջազգային կենտրոն: Պառլո Կունեոն հեղինակն է հայ ճարտարապետությանը նվիրված մի շարք գրքերի և

մեծածախիվ ուսումնասիրությունների, որոնք լույս են տեսել տարբեր երկրների ճանաչված գիտական հանդեսներում: Նրա հեղինակած գրքերից են բացառիկ գիտական արժեք ունեցող «Անիի» միջնադարյան Հայաստանի ճարտարապետական դպրոցը մենագրությունը (Հոռոմ, 1977), Արևմտյան Հայաստանում առաջին անգամ իր իսկ ուսումնասիրած հուշարձանների՝ Թուղի, Փաշվանքի 5-րդ դ. ռադիկալներին և Հոգեացվանքի համալիրին նվիրված ուսումնասիրությունը (Հոռոմ, 1979), համահեղինակն է «Անի» (Միլան, 1984) և «Ղարաբաղ» (Միլան, 1988) գրքերի:

Հայ մշակույթին նվիրված այս ականավոր գիտնականի քսանհինգամյա հետազոտության պսակը դարձավ «Հայկական ճարտարապետություն» 4—19 դարերում շուրջ հազար էջանոց երկհատոր հիմնարար աշխատությունը (Հոռոմ, 1988): Գիրքը տալիս է հայկական միջնադարյան ճարտարապետության համապատկեր՝ գիտականորեն ճշգրիտ, ինքնուրույն և ինքնատիպ մեկնարկներով: Այստեղ ներկայացված են ինչպես նախկին հորհրդային Միության տարածքում, նույնպես և Թուրքիայում ու Իրանում գտնվող հայկական ընդլուրջ հուշարձանները՝ մասնագիտական խորունկ վերլուծություններով և բնութագրումներով: Այս կոթողային աշխատության համար Կունեոն արժանացավ ՀՀ ԳԱԱ Թորոս Թորամանյանի անվան մրցանակի, որը նրան հանդիսավոր կերպով հանձնվեց 1990 թ. մայիսին Զվարթնոցում: Իսկ հայ մշակույթին նվիրված իր երեսնամյա բեղմնավոր գիտական աշխատանքի և այդ բնագավառում ներդրած պատկառելի ավանդի համար Պառլո Կունեոն 1994 թ. ընտրվեց ՀՀ գիտությունների ազգային ակադեմիայի արտասահմանյան անդամ:

Պրոֆեսոր Պառլո Կունեոյի մահն անփոխարինելի կորուստ եղավ Հայագիտության համար և խոր վիշտ պատճառեց իր հայ գործընկերներին, որոնց մեջ այդ բացառիկ հմայիչ մարդը մեծ սեր, համակրանք ու հարգանք էր վայելում:

ՀՀ ԳԱԱ նախագահություն

ՀՀ ԳԱԱ հումանիտար

գիտությունների բաժանմունք

ՀՀ ԳԱԱ արվեստի ինստիտուտ